



Aalisarnermut, Piniarnermut Nunalerinermullu Naalakkersuisoqarfik
Piniarnermut Immikkoortortaqarfik

Ulloq 9. september 2015

GN j. nr. 40.00.02.47.2015

Tasiilami qilalugartassiisutit 2015-imi qaffanneqarsinnaanerannik apeqqummut akissut

Aalisarnermut, Piniarnermut Nunalerinermullu Naalakkersuisoqarfik (APNN) Tasiilami qilalugartassat qulinik amerlineqarnissaannik qinnuteqarfigineqarsimavoq, tassa 2015-imi qilalugartassat 28-iusus-sannngortillugit. Tassunga tunngatillugu aamma paaserusuppaat, qilalugartassat 28-inngortinneqassagaluarpataluunniit qilalukkat sulii amerliartorsinnaassuseqassanersut.

Qilalugartassat pillugit ilisimatuussutsikkut siunnersuisartuupput ilisimatuussutsikkut suleqatigiissitaq ataatsimoorusaaq JWG Atlantikup Avannaatungaani imaani miluumasut pillugit Ataatsimiititaliarsuup (NAMMCO) ataaniittoq aammalu isumalioqatigiissitaq Kalaallit Nunaata Canadallu ataatsimoorusaaq (JCNB). Suleqatigiissitaq ukiut pingasut missaat qaangiukkaangata ataatsimiittarpoq. Siunnersuineq atuuttoq Tasiilamut eqqaanullu tunngasoq 2009-mi tunniunneqarsimavoq 2012-imilu nangeqqinneqarsimalluni, taannalu tabel 1-imi takuneqarsinnaavoq.

P	Total Removals
95	0
90	1
85	6
80	9
75	13
70	18

Tabel 1. Qilalukkat qernertat Tunumi Tasiilap/Kangerlussuup eqqaanni. P-mi takuneqarsinnaavoq qilalugaqas-sutsip procentinngorlugu amerleriarsinnaanerannik periarfissaq, ukiumut pisaasartut amerlassusiat ukiuni 2012-imiit 2016-imut kisitsisit aappaaniittut "Total Removals" ataaniittut malikkaluarpatigit. Paasissutissarsivik: figur 7, NAMMCO SC/19/14, s.

Qilalukkat ukiuni tulliuuttuni tallimani amerliartornissaat 70%-inik qulakkeerumagaanni ukiumut pisat (annaasat ilanngullugit) 18-init amerlanerusariaqannginnerat tabelimi takuneqarsinnaavoq.

MAMMCO-mit qilalugartassiisutigin eqarsinnaasutut siunnersuinerit naapertorlugit Tasiilap eqqaanilu 18-inik qilalukkanik qernertanik pisassiisoqarpat, taava tamanna qilalugaqassutsip minnerpaamik 70 %-inik amerliartorsinnaanissaanik periarfissiisaaq.

NAMMCO-p JCNB-llu qilalukkat pillugit suleqatigiissitaata ilisimatuussutsikkut siunnersuineri nutaaq akueritinniarnearluni piareeriartuaarpoq. Taamaattorli siunnersuineq NAMMCO-p aalajangiisartutut ataatsimiititaliaanit sulii akuerineqanngilaq. Siunnersuinerimi nutaami siulianut naleqqiullugu pisassiisutigin eqarsinnaasutut innersuussutigisat ikinnerulaarput, Tunumi kingullermik qilalukkanik kisitsisoqarsimaneraniit massakkut ukiut arfineq marluk qaangiussimalernerat nalornilersitsisutut immat.

Tasiilami eqqaanilu qilalugartassat qulinik amerlineqassappata 2015-imi qilalukkat qernertat 28-t pisarineqassapput. Tamatuma kingunerissavaa – maanna ilisimariikkat ilanngullugit - qilalukkat qernertat amerliartorsinnaanerinut periarfissaat ukiuni tulliuuttuni tallimani 50 procentimilluunniit miki nerussasoq. Taamaassappallu Tasiilap eqqaanilu qilalukkanik qernertarniartarneq piujuartitsinissamik siunertaqarluni piniarnertut isigineqarsinnaajunnaassaaq.

Pinngortitalerriffik Tunumi qilalukkanik qernertanik 2016-imi kisitseqqilersaarpoq, aningaasaliissutisutigin eqartussallu apeqqutaassapput.

Inuulluaqqusilluta,

Fernando Ugarte

Miluumasunut Timmissanullu Immikkoortoqarfik